



Peskiza Forsa Traballu Timor-Leste 2021

Relatóriu Sumáriu



SEFOPE



Maior finançaria na República



General Directorate of Statistics
Timor-Leste



International
Labour
Organization

Jullu 2022

Peskiza Forsa Traballu Timor-Leste 2021

Relatório Sumáriu

Xave ne'ebé subliña

- ▶ Tuir resultadu Peskiza Forsa Traballu nian, populasaun idade traballu ho tinan 15 ba leten iha Timor-Leste iha tinan 2021 iha ona rihun 809.3, ho feto barak liu (rihun 405,8) kompara ho mane sira (rihun 403.6).
- ▶ Forsa traballu, kompostu husi feto no mane ne'ebé empregadu ka dezempregadu, hamutuk rihun 247. Taxa partisipasaun forsa traballu mak 30.5 pursentu globál, ho diferensa maka'as entre feto sira (24.2 pur sentu) no mane sira (36.9 pur sentu).
- ▶ Entermus distribuisaun forsa traballu husi atinjimentu edukasaun, 30.7 pursentu laiha edukasaun formál ka la completa eskola primária. Iha parte seluk, 16.8 pursentu iha pelu menus edukasaun tersiáriu balun.
- ▶ Totál empregu hamutuk rihun 234.3, kompostu husi mane rihun 142 no feto hamutuk rihun 92,3.
- ▶ Kuaze metade (48.5 pur sentu) husi traballadór hotu-hotu klasifikadu nu'udar empregadu ba saláriu, enkuantu 50.3 pur sentu auto-empregu ka servisu kontribui ba família. Feto kompara ho mane sira iha probabilidade bo'ot liu atu sai auto-empregu no iha probabilidade ki'ik liu atu sai empregadu ba saláriu.
- ▶ Dezempregu hamutuk rihun 12.7, indika taxa dezempregu jerál hamutuk 5.1 pur sentu. Dezempregu entre kandidatu feto sira mak bo'ot liu (pursentu 5.9) kompara ho sira-nia omólogu mane sira (4.6 pur sentu). Ba joven sira ho idade tinan 15-24, taxa dezempregu aas liu 9.6 pursentu.

► Tabela 1. Indikadór xave sira tuir seksu, 2021

	Mane	Feto	Total
Populasaun idade traballu, tinan 15+ (000)	403.6	405.8	809.4
Força traballu (000)	148.9	98.1	247.0
Empregu (000)	142.0	92.3	234.3
Dezempregu	6.9	5.8	12.7
La tama iha forsa traballu	254.7	307.7	562.4
Entre hirak ne'e: Produtor hahán subsisténsia	75.9	86.4	162.4
Empregu manufatura nian nu'udar proporsaun husi empregu totál (%)	5.3	8.4	6.5
Taxa partisipasaun forsa traballu (%)	36.9	24.2	30.5
Taxa dezempregu (%)	4.6	5.9	5.1

	Mane	Feto	Total
<i>Tuir idade</i>			
15-24	7.4	12.4	9.6
25-64	4.5	5.2	4.7
65+	1.4	3.5	2.3
<i>Tuir estatutu defisiénsia</i>			
Sein defisiénsia ruma	4.4	5.9	5.0
Ho defisiénsia	30.2	3.1	20.7
Numeru Kompilasaun ba sub-utilizasaun empregu (%)	25.8	33.3	28.9
Taxa empregu informál (%)	75.3	80.4	77.3
Saláriu médiu mensál (US\$)	256.7	239.8	252.2

Fonte: Peskiza Forsa Traballu Timor-Leste 2021.

► Antesedentes

Peskiza Forsa Traballu Timor-Leste tinan 2021 nian (PFT) hala'o husi Diresaun Jerál Estatística (DJE), Ministériu Finansas. PFT nia objetivu prinsipál mak atu kolekta, analiza no fahe informasaun estatística kona-ba forsa traballu atu apoia formulasaun no monitorizasaun política no programa ne'ebé bazeia ba evidénsia. Espesifikamente, PFT ne'e fornese informasaun dezagregadu tuir seksu, idade no rejiaun kona-ba karakterística ekonómika husi populasaun ho idade traballu, inklui empregu, saláriu no rendimentu, oras serbisu nian, ladún uza traballu, no la-ativu ekonómikamente.


PFT 2021 nu'udar PFT datoluk ne'ebé hala'o iha Timor-Leste dezde nasaun ne'e nia independénsia iha 2002. PFT dahuluk hala'o iha 2010 no segundu mak hala'o iha 2013. Iha tinan 2016, analiza tiha ona kuadru traballu infantíl ida ho dadus ne'ebé prodús husi levantamento forsa traballu infantíl nian iha tinan 2016. PFT 2021 ne'e hala'o husi DJE, liuhusi kolaborasaun ho Sekretaria Estadu ba Formasaun Profisionál no Empregu (SEFOPE), no kolesaun dadus hala'o ona maizumenus fulan rua hahú husi fulan Outubru to'o Novembru 2021, ne'ebé kobre amostra reprezentativu ida husi umakain total 7,275.

► Forsa traballu

Rezultadu husi Peskiza Forsa Traballu iha 2021 hatudu katak populasaun idade traballu ho tinan 15 ba leten iha Timor-Leste mak rihun 809.3, ho feto barak liu (rihun 405.8) kompara ho mane sira (rihun 403.6). Ema joven sira ho idade tinan 15-24 no katuas-ferik sira ho idade tinan 65 ba leten, respetivamente, hamutuk rihun 271.2 (pursentu 33.5) no rihun 65.1 (pursentu 8) husi total populasaun ho idade traballu.

Populasaun iha kategoria Forsa traballu nian hamutuk rihun 247, kompostu husi feto rihun 98.1 no mane rihun 148.9 ne'ebé sai nu'udar empregadu ka dezempregadu. En jerál, taxa partisipasaun forsa traballu mak 30.5 pursentu, ho dezigualdade maka'as tuir seksu (haree Figura 1). Taxa partisipasaun forsa traballu ba feto sira (24.2 pur sentu) sei kiik liu kompara ho mane sira (36.9 pur sentu) ho diferença pontus persentajen 12.7. Tuir rejiaun, taxa partisipasaun forsa traballu iha pursentu 26.3 mak ki'ik liu iha Rejiaun 2 no aas liu iha 42.1 iha Rejiaun 4. Aleinde Rejiaun 2, Rejiaun 1 (27.6 pur sentu) no Rejiaun 3 (pur sentu 29) hetan mós taxa partisipasaun forsa traballu iha média nasional nia okos.

► **Figura 1. Taxa partisipasaun forsa traballu tuir seksu no rejiaun, 2021 (pursentu)**



Fonte: Peskiza Forsa Traballu Timor-Leste 2021.

Kona-ba atinjimentu edukasionál husi forsa traballu, besik un-tersu (pursentu 30.7) laiha edukasaun formál ka la completa eskola primária. Iha parte seluk, iha ema na'in neen (pursentu 16.8) iha forsa laborál to'o ona faze dahuluk ensinu superiór nian ka completa ona ensinu superiór. Partisipasaun feto sira iha forsa traballu ho menus liu edukasaun primária kompara ho mane sira (pursentu 33.4 kompara ho 28.9 pur sentu, respetivamente). Nune'e mós, feto sira (pursentu 30.3) iha forsa traballu ladún iha posibilidade atu completa edukasaun sekundáriu kompara ho mane sira (36.9 pur sentu).

Liután, kualifikasiun edukasionál husi forsa traballu diferente tuir rejiaun. Rejiaun 2 no Rejiaun 3, nudar exemplu, persentajen forsa traballu ho nível edukasaun menus husi primária ho pursentu 24.8 no pursentu 25.5, respetivamente. Iha rejiaun rua ne'e, hetan mós persentajen aas liu husi forsa traballu ne'ebe atinji ona ensinu superiór. Pelu kontráriu, Rejiaun 4 rejista lakuna bo'ot liu iha edukasaun ba ninia forsa traballu sira: pursentu 43 laiha edukasaun ka menus liu nível/grau edukasaun primária no iha pursentu 10.8 deit mak ho edukasaun tersiáriu.

► **Empregu no saláriu**


Informasaun kona-ba empregu PFT nian hatudu katak empregu iha tinan 2021 hamutuk rihun 234.3, kompostu husi mane rihun 142 no feto rihun 92.3. Tuir rejiaun, Rejiaun 2 emprega ema barak liu (rihun 97.5), tuir fali Rejiaun 4 (53.1 rihun) no Rejiaun 1 (rihun 49.2).

Entermus distribuisaun empregu tuir setor atividade ekonómika, besik tolu-husi-lima (59.1) husi total empregu iha setór servisus, enkuantu agrikultura no indústria halo-konta de'it ba pursentu 26.9 no pursentu 13.5, respetivamente. Nota katak, mane sira mak iha posibilidade boot liu atu servisu iha indústria kompara ho feto sira (pursentu 16.5 kompara ho 8.7 pur sentu, relativamente). Pelu kontráriu, empregu feto iha agrikultura mak relativamente aas liu empregu agrikultura mane (pursentu 31 kompara ho pursentu 24.2, respetivamente). Iha lokalidade, Rejiaun 3 iha proporsaun empregu iha setor servisus/jasa ne'ebé aas liu (74.9 pur sentu), enkuantu Rejiaun 4 ho empregu agrícola ne'ebe iha persentajen bo'ot liu (54.2 pur sentu).

Kuaze metade (48.5 pur sentu) husi totál empregu klasifikadu nu'udar empregu ba saláriu, enkuantu 50.3 pursentu mak empregu ba an rasik, bele empregu ba aan rasik ka bele mos nu'udar traballador ba negosiu família nian. Feto sira bainhira kompara ho mane sira, iha probabilidade bo'ot liu atu sai auto-empregu no ladún iha posibilidade atu sai empregu iha servisu ho baze salariu, ida ne'e indika dezigualdade jéneru ne'ebé mosu tanba prejudika feto sira-nia asesu ba empregu neebé seguru no estavel liu hanesan ema sira neebé simu saláriu. Entre rejaun lima ne'e, persentajen empregu-ho-saláriu husi total empregu, kiik liu médiu nasional mak iha Rejiaun 1 (pursentu 42.7) no Rejiaun 4 (29.9 pur sentu). Aleinde ne'e, liu dois-tersu (pursentu 68.7) husi empregu hotu-hotu iha Rejiaun 4 mak kompostu husi traballadór ne'ebe kria servisu ba aan rasik no empregu ba negosiu família nian.

Partisipasaun empregu informál – ne'ebé define iha PFT 2021 kompostu husi empregu ne'ebe kria servisu ba aan rasik, na'in ba empreza setór informál, empregu ba negosiu família, no mós empregu sira ne'ebé la hetan asesu ba benefísiu seguransa sosiál báziku ka lahó benefísiu ne'ebé selu no laiha kompensasaun bainhira moras – hanesan indikadór xave ida ba kualidade empregu nian. Iha Timor-Leste, empregu informál iha 2021 reprezenta pursentu 77.3 husi empregu hotu-hotu (haree Figura 2). Taxa empregu informál aas tebes ba feto sira ne'ebé serbisu (pursentu 80.4) kompara ho mane sira ne'ebé serbisu (75.3 pur sentu). Nune'e mós, empregu informál iha rejiaun tolu husi rejiaun lima ne'e mak aas liu médiu nasional: Rejiaun 1 (78.5 pur sentu), Rejiaun 2 (78.3 pursentu) no Rejiaun 4 (pursentu 84.9).

► **Figura 2. Taxa empregu informal tuir seksu no rejiaun, 2021 (pur sentu)**



Fonte: Peskiza Forsa Traballu Timor-Leste 2021.


Médiu saláriu husi empregu-ho-salariu sira iha Timor-Leste, tinan 2021 mak US\$ 252 kada fulan. Lakuna pagamentu tuir jéneru barak liu mak akontese ba feto sira (US\$ 240) ho kuaze besik 6.6 pursentu menus liu duké pagamentu saláriu ba mane sira (US\$ 257). Maroria iha grupu okupasaun ida nia laran, disparidade entre feto-mane bo'ot liu akontese ba sira ne'ebé nu'udar empregu iha obra arte no negosianta sira (pursentu 40.4), jerente sira (38.5 pur sentu) no tékniku no profisionál asosiadu sira (pursentu 28.4). Nunee mós, tuir sektór atividade ekonómika, diferença pagamentu tuir jéneru mak 36.5 pursentu iha

agrikultura, 17.3 pursentu iha edukasaun no 14.4 pursentu iha komérsiu grosu no retallu, ho mane sira hetan rendimento barak liu fali feto sira iha setór tolu ne'e hotu. Iha parte seluk, iha administrasaun pública, feto sira-nia saláriu médiu mak 14.4 pursentu aas liu duké saláriu mane sira-nian.

► Subutilizaun empregu

Subutilizaun empregu – ne'ebé kobre ema sira iha empregu ne'ebe tuir tempu, dezempregu no forsa traballu potensiál – hamutuk rihun 94.9 iha 2021. Enjerál, taxa subutilizaun empregu ne'ebé menus mak 28.9 pursentu, maske nunee aas liu ba feto sira (pursentu 33.3) kompara ho mane sira (25.8 pur sentu). Rejiaun tolu hosi rejiaun lima ne'e rejista taxa subutilizaun traballu ne'ebé liu hosi média nasional, hanesan Rejiaun 2 (39.1 pur sentu), Rejiaun 3 (34 pur sentu) no Rejiaun 5 (43.9 pur sentu).

► Figura 3. Taxa dezempregu tuir seksu, idade no rejiaun, 2021 (pur sentu)



Fonte: Peskiza Forsa Traballu Timor-Leste 2021.

Rezultadu PFT nian hatudu katak dezempregu iha 2021 hamutuk rihun 12.7, reflete taxa jerál dezempregu nian hamutuk 5.1 pursentu. Maibé dezempregu iha diferença bo'ot tuir seksu, idade no rejiaun (haree Figura 3). Dezempregu entre feto sira (5.9 pur sentu) ne'ebe bo'ot liu kompara ho mane sira (pursentu 4.6).

Ba joven sira ho idade tinan 15-24, taxa dezempregu aas liu 9.6 pursentu kompara ho dezempregu ba pursentu 4.7 entre adultu ho idade tinan 25-64 no 2.3 pursentu ba ema idozu ho idade tinan 65 ba leten. Nune'e mos, disparidade jóneru iha taxa dezempregu foin-sa'e nian ne'e boot tebes ho 5.1 pontu liu-liu ba feto foin-sa'e sira, ida ne'e hatudu sira-nia dezafiu ne'ebé la proporsional ho mane sira hodi hetan servisu iha merkadu traballu.

Tuir rejiaun, taxa dezempregu pur sentu 9 mak aas liu iha Rejiaun 3, tuir fali 6.7 iha Rejiaun 2. Iha sorin seluk, taxa dezempregu aumenta 0.6 pursentu deit iha Rejiaun 1 no 1.4 pursentu iha Rejiaun 4.

Kompara ho rezultadu sira hosi PFT ne'ebé hala'o iha 2013, número ema dezempregadu sira tun ho número rihun 10.7 (hosí rihun 23.4 iha 2013), tun besik pursentu 46. Tendénsia ida ne'e akontese maske

taxa partisipasaun forsa traballu nian nafatin hanesan, no forsa traballu aumenta ba ema rihun 33.8. Maske nune'e, ita bele observa katak iha aumentu ne'ebé boot liután iha populasaun ne'ebé la partisipa iha forsa traballu nian hamutuk rihun 79.3 (rihun 562.4 iha 2021 kontra rihun 483.1 iha 2013). Expansaun bo'ot iha populasaun sira ne'ebé la partisipa iha forsa traballu, hamutuk ho aumentu ida iha empregu ba ema rihun 44.5, bele esplika númeru dezempregu ne'ebe ki 'ik liu kompara ho nível iha 2013.

► **Tabela 2. Indikadór Selesionada sira kona-ba forsa traballu tuir seksu, 2021**

	Mane	Feto	Total
Populasaun idade traballu, tinan 15+ (000)	403.6	405.8	809.3
Forsa traballu (000)	148.9	98.1	247.0
<i>Tuir edukasaun (% distribuisaun)</i>			
Menus husi eskola primária ka laiha edukasaun	28.9	33.4	30.7
Kompleta eskola primária	17.1	19.7	18.1
Kompleta eskola sekundária	36.9	30.3	34.3
Ensinu Tersíáriu (faze primeiru ka ramata)	17.0	16.5	16.8
Nivel la deklara	0.0	0.1	0.0
Taxa partisipasaun forsa traballu (%)	36.9	24.2	30.5
Empregu (000)	142.0	92.3	234.3
<i>Tuir atividade ekonomiku (% distribuisaun)</i>			
Agrikultura, floresta no peskas	24.2	31.0	26.9
Industria	16.5	8.7	13.5
Servisus	59.0	59.3	59.1
Atividade ekonómika la klasifikadu	0.3	1.0	0.5
<i>Tuir estatutu iha empregu (% distribuisaun)</i>			
Traballadór sira	59.2	31.5	48.3
Empregadór sira	1.4	0.7	1.1
Auto-empregu	26.6	48.0	35.1
Servisu kontribui ba família	12.7	19.2	15.3
Traballadór sira la klasifika tuir estatutu	0.2	0.6	0.3
Subutilizasaun empregu (000)	48.9	46.0	94.9
Subempregu relaciona ho tempu	1.1	0.2	1.3
Dezempregu	6.8	5.8	12.7
Forsa traballu potensiál	40.9	40.0	80.9
Taxa subutilizasaun empregu (%)	25.8	33.3	28.9
Taxa subempregu relaciona ho tempu	0.8	0.2	0.6
Taxa dezempregu	4.6	5.9	5.1
Taxa forsa traballu potensiál	21.6	28.9	24.7

Fonte: Peskiza Forsa Traballu Timor-Leste 2021.

► **Tabela 3. Indikadór Selesionada sira kona-ba forsa traballu iha rejaun, 2021**

	Rejaun 1	Rejaun 2	Rejaun 3	Rejaun 4	Rejaun 5	Total
Populasaun idade traballu, tinan 15+ (000)	179.5	98.1	369.4	127.8	34.6	809.3
Forsa traballu (000)	49.5	25.8	107.2	53.8	10.7	247.0
<i>Tuir edukasaun (% distribuisaun)</i>						
Menus husi eskola primária ka laiha edukasaun	31.7	24.8	25.5	43.0	31.1	30.7
Kompleta eskola primária	18.2	23.6	15.3	20.2	23.1	18.1
Kompleta eskola sekundária	38.1	33.7	37.3	26.1	29.7	34.3
Ensinu Tersíáriu (faze primeiru ka ramata)	12.0	17.8	21.9	10.8	15.5	16.8
Nivel la deklara	0.0	0.2	0.0	0.0	0.6	0.0
Taxa partisipasaun forsa traballu (%)	27.6	26.3	29.0	42.1	31.1	30.5
Empregu (000)	49.2	24.1	97.5	53.1	10.5	234.3
<i>Tuir atividade ekonomiku (% distribuisaun)</i>						
Agrikultura, floresta no peskas	27.0	22.2	13.2	54.2	25.4	26.9
Industria	17.8	18.7	11.5	9.5	19.0	13.5
Servisus	53.6	59.1	74.9	36.0	55.2	59.1
Atividade ekonómika la klasifikadu	1.5	0.0	0.3	0.3	0.3	0.5
<i>Tuir estatutu iha empregu (% distribuisaun)</i>						
Empregu sira	42.7	50.2	60.4	29.9	50.2	48.3
Empregadór sira	1.5	1.5	0.5	1.4	1.7	1.1
Auto-empregu	47.5	35.4	32.8	25.8	43.4	35.1
Servisu kontribui ba família	7.0	12.9	6.2	42.9	4.7	15.3
Empregu sira la klasifika tuir estatutu	1.3	0.0	0.1	0.0	0.0	0.3
Proporsaun husi empregu informál (%)	78.5	78.3	73.1	84.9	70.3	77.3
Subutilizasaun empregu (000)	9.6	15.4	50.0	11.7	8.2	94.9
subempregu relasiona ho tempu	0.3	0.1	0.6	0.3	0.1	1.3
Dezempregu	0.3	1.7	9.6	0.7	0.3	12.7
Forsa traballu potensiál	9.0	13.6	39.8	10.7	7.8	80.9
Taxa subutilizasaun empregu (%)	16.3	39.1	34.0	18.2	43.9	28.9
Taxa subempregu relasiona ho tempu	0.5	0.4	0.6	0.5	0.6	0.6
Taxa dezempregu	0.6	6.7	9.0	1.4	2.4	5.1
Taxa forsa traballu potensiál	15.4	34.5	27.1	16.6	42.2	24.7

Fonte: Peskiza Forsa Traballu Timor-Leste 2021.



www.statistics.gov.tl